

SARS sal noodbelastingverligtingsmaatreëls instel

Tshwane, 30 Julie 2021 - President Cyril Ramaphosa het Sondag aangekondig dat verskeie noodbelastingverligtingsmaatreëls aangekondig, in reaksie op die voortslepende Covid-19-pandemie en onlangse onluste, in 'n poging om geaffekteerde en belastingnakomende ondernemings te help herstel en lewensvreugde vir werknemers te verseker.

Die Suid-Afrikaanse Inkomstediens (SARS) sal sodanige belastingverligtingsmaatreëls in werking stel, omdat nakomende belastingpligtiges hul regverdige deel belasting betaal het wat dit moontlik maak vir die regering om sodanige tydelike veiligheidsnet beskikbaar te stel in tyd van nood.

SARS-kommissaris Edward Kieswetter het gesê: "Die eerste kwartaal van die huidige finansiële jaar het verwagtinge oortref en beter presteer as die inkomste-invordering vir dieselfde tydperk die afgelope drie jaar."

Mnr. Kieswetter het SARS se verbinding tot die verskaffing van helderheid en sekerheid aan belastingpligtiges bevestig, sodat hulle hul wetlike verpligtinge maklik kan nakom en betaal wat verskuldig is. Hy het gesê dat SARS sal poog om te alle tye dit maklik en kummervry te maak vir belastingpligtiges om met die organisasie sake doen.

Hy het egter 'n duidelike en reguit boodskap oorgedra dat SARS die vermoë het om diegene, wat vasbeslote is om nie hul wetlike verpligtinge na te kom nie en betrokke is by kriminele ampsmisdryf deur bedrieglike optrede teen die organisasie, op te spoor en dit vir hulle moeilik te maak.

"Die gebruik van groot data, kunsmatige intelligensie en die nuutste tegnologie, stel SARS in staat om digitale dienste aan te bied om belastingpligtiges en personeel te beskerm gedurende die Covid-19-inperkingsbeperkings en SARS se pogings verder versterk in die lewering van ons mandaat."

Die maatreëls wat SARS sal instel sluit in:

- Die verlenging van die uitgebreide indiensnemingbelastingaansporing betreffende die ouderdomsbeperking en die bedrag wat geëis mag word, wat daarop gemik is om indienshouding te ondersteun in die mees kwesbare dele van die arbeidsmark. Dit sal van toepassing wees vir 'n tydperk van vier maande en sal op 1 Augustus 2021 in werking tree en op 30 November 2021 eindig.
- Verlenging van die uitstelling van die betaling van werknemersbelastingverpligtinge (algemeen na verwys as LBS) vir belastingnakomende klein- tot mediumgrootte ondernemings. Dit sal in werking tree op 1 Augustus 2021 en op 31 Oktober 2021 eindig.
- Belastingnakomende ondernemings met 'n bruto inkomste van tot R100 miljoen sal toegelaat word om 35% van hul werknemersbelasting (LBS) verpligtinge oor die volgende drie maande te vertraag, sonder boetes of rente.
- Uitstelling van aksynsregte van tot drie maande op alkoholiese drankies deur belastingnakomende gelisensieerdes in die alkoholiese sektor, per aansoek wat die omstandighede, wat die uitstelling staaf, uiteensit.

Die volledige besonderhede van die belastingverligtingsmaatreëls is beskikbaar in die verduidelikende notas oor die noodbelastingmaatreëls op die Nasionale Tesourie se webtuiste.

Vir meer inligting, kontak SARSMedia@sars.gov.za.